

Ani Khachukni mera mwrwknairok tei kwthar mothano kubui kha bai naikol tongmani bagwi.

Pha , Sajwla tei Phola kwthar ni mungbai , Kaisa kubui Kaitor, tabuk tei molbrum brum. † Amen.

Ang muito mano ani pholani Pha no bini aswk salangmani kokthairok no, chini Khachukni PUILA Metropolitan Athanasius Yohan no. Sau i mang tongo chwngno, "Uansukmang tongdi Mothano" salbrumno tamoni hwnkhe bo amono sai manrna muchungo o swngcharo kaisa simino chwng kubui no khw lai tisai mano abo wngkha o swngcharni Motha no.

Khachukni bwsarok, norok wngkha motha---chwng kwthang tongmani abo Khristo se. Muito khw lai tongdi norokni motharok wngkha abo institution eba Organisation ya. Abo wngkha kaisa Subrai ni panda no pal baksa khe chalaimung Bishop eba Ochai no kitingwi, phola Kwthar ni bisingtwi thansa khe tornani, Kwthar kokthairok ni bisingtwi tei kwthar chamung chalai nani(Subrai ni panda). Amo hai khe no chini motharok Khristo bai malai thai, Kaitor ni tongraida o tongnani, kaham tei kubui khe tongwi bini kokthairok no piroi torwi-logwi tongnani.

O 2026 bisi o chwng emang nukthai"Mothano no bahai khe ragrwnai: Puito, Langma tei khw laima" aboni bagwi no kisa chikonsa khw lai norokno sau i khwna rwnai bahai khe thansa khw lai mothano tisanai.

1. PUITO (FAITH)

Uansugwi naidi chini motha wngkha abo kaisa Kotor bwphang haise. Puito khe abo kaisa yarwng hai se, tamoni hwnkhe o yarwngno belai kwrak khe o bwphangno bacharwi tonno tei bebak chamung rwi tonno. Amo haikhe no chini kwthar khe puito khw lai mani wngkha abo kaisa kwthar mothani thongwla/yaphang tei chini Christian rokni abo kaisa langma.

a) Kwthar Motha abo wngkha kebo kaisa uansugwi twimaniya. abo wngkha kaisa puito no yapharwi kwlangmani se puila mothani Father's rok tei bohrok khati kwlangmani Kwthar mothani tong kaham rokno. Kaitorni kothoma kaham tei kubuikuk puito rokno sakw lai kwlangmarokno o kwthar mothani bagwi. Chwng sai mano Sadhu Poul swi kwlangmani...Galatia--1:8, GALATIA 1:8 "Phiya ba chwng norokno pirmani a Kothoma Kaham bai phér laijak tei kaisa kothomano kaham hwnwi chwng phano pirma tong khe, chuknohani suari phano pirma tong khe, bo gaija thung!" Abohrok chwng no belai khe muito khw lai rw o tei abo kuthuk khw lai kwthar puito rokno chwng sau i kwlangjak tamoni hwnkhe khatiui kwlangjak kubui puito bai khe tongnani.

b) 1-Timothi-3:15-16, kwthar Bible o swbai sukurubwi hai hunui sao, " Kubui se chini yaphang tei thongwla". Chini motha khe Kaitorni nokno swnamo, puito no teibo romui tongnani, naichuma, khotoma kaham tei kubui khe pirna bagwi chubalai nani. Abohrok wngkha bebakno" "Kaitorni uanamasicha" -----Jesu Khristo khe sakmang wngwi nukjakphaikha----Kubui se chini Kwthar mothano phwrwngo tei khatiui tonno. Abohrok wngkha mothani nangkukmani Christian rokni puito ni bisingtwi kwthar wngnani, aro tei kunu mungsa dabuljak kwrwi.

c) St. Poul chwnngno muinto khwllai rw o St. Timothy --1:5, hai hwnwi sa o..."2 TIMOTHY 1:5"Nwng kwak khe poito khllaimano ang muinto mano, nini nwchwi Lois bai nwma Uniki abo hai khe poito khllaiwi tongo. Nwngbo abo haino poito khllai-o hwnwi ang kha ka-o". Amo hai keno chwnng jesakhe phano sai manthai chini nukhungo kwthar Puito baikhe tongnani tei chini tong kwthar no yapharwi kwlang lainani phai tongnai rokni bagwi.

2). LANGMA (LIFE)

Chini langma khe abo kaisa bwphang hai se-----bwphang ni bebak bedek, bokong tei bwllai rok khe nukjagwi tongo. Chini mothani bebak tongdalrok khe bebakno nukjagwi tongo salbrumno chini puito khwllai mani bisingtwi. Aro bebakno chini puito khwllai marokno kwthar khe tongmani bisingtwi o swngcharo.

a). Chini langma o belai nangkukmani kubui bai khe Divine liturgy celebration. Chwnng joto motharok hati bar laikhe tei kaisa hatibar phai o amo haikhe chwnng chini kwthar alter, kwak tei Khristoni phang bai khe torlai nani. Chwnng Mothani calendar no nasigwi twilai tonglai o. Mothani joto okbukcha khe tonglai surillaimani tei joto feast no thansa khe khwllai tonglaimani, amo haikeno chini kwthar Subrai ni pandano chalai tongmani bisingtwi teibo kuthukhe kwrwnglai tongnani chini langma o, chini khabai khukbai khe tei bo khuthuk surilai tei loblai tonglai nani kwthar kwthamsani bisingtwi khe.

b). Amo hai tongmungrok chwnng jesakhe phano chini nogo ma phwrwngthai. Chini nukhungo abo jesakhe phano kaisa chikonsa motha hai khe ma tonthai. Chini surimungrok wngkha abo kaisa jesakhe phano phunukmari hai wngwi ma tongthai salbrumno chini langma o. Chwnng jesakhe phano chini nukhungo surimabai khe ma tongthai. Phung tei sarigo chwnng kwthar kokthai rokno porilai Kaitorni tongthar no rwtharlai tonglai nani.

c). Chini Christian ni tongmung rok chwnng jesakhe phano phunukmari wngwi ma tongthai school tei College, chwnng je thai o samung khwllai tongo arono phunukmari wngwi ma tongthai samung khwllai phuru, kok saphuru, tonglai phuru, chwnng sak sakno swnamwi ma tongthai. Bebak tongthani o no chwnng Khristo ni tong raida bai khe ma tongthai, tamoni hwnkhe chini kok samani swlai samung go phunukmari wngwi tongmani se belai phan gwnang kuk chini langma o.

3). SELENG KHATIMA/KHWLLAIMA (SERVICE)

Seleng khatima wngkha abo kaisa bwphang ni bwthai hai se, abo wngkha kaisa nukjagwi tongmani puito tei pholani langma se. Khoroksa Christian ni tongmung khe abo kaisa puito bai khe khwllai tong thai

a). Paithakni chini devine Liturgy khe abo kaisa Kaitor ni samung tangmani khe abo kaisa samung bai kok bai wngthai. Abo se chini ringjaktung wngthai--chini gana-gini ni nothairogo sogwithai nango, chini dopha o tei amchai rogo. Yaphang ni chini joto Father's rok kwbang jora o swbai sukurbwi salangkha. "Liturgy wngmani ulo Liturgy" ni kokrogo.

b). Kaitor ni bwsa bwtwi wngmani bai, chwnng tabuk bwkha thonwi Kaitor ni kokthairok bwkha logwi samung ma khwllai thai, Chini khwllai thairok wngkha

bigra tei rãndhijwk rok no phwrwngnani tei chubalainani, chwrai rok kaham swrwngmungrok maya khe bono khairokma bai bono chubalainani tei chwng joto Kaitor ni selengrok bini thani kubui bai khe samung khw lai tongnani.

O kotor great Lent season jora o, tei ayang nar o bini bagwi khw lai tharok no khw lai nani abo wngkha. " Building up the Parish, Faith, Life and Service ' abono bwsakang khw lai thang lainani. O khw lai thairok no khw lai thanglainani. Tei o khw lai thairok no khw lai bwthai kaham thailainani chwng jotono-- Bishoprok, Ochairok, tei chwng joto palbaksa khe puito baikhe kw bagwi tongnani chini yapharmung bai khatiui tongnani.

Chwng Kwthar Theotokos feast no celebration khw lai nani thangwi tongo, tei Palm Sunday rok wngna thangwi tongo. Aboni ulo chwng tabuk belai kwtharkuk thài o habwi tongo o bisi o---Kwthar Hatibar---Subrai Jisu Khristo ni bisingtwi bini mungno chwngsacha khw lai nani o Easter Sunday jora o.

Ani khajani bwsarok, ang muchungo norok jotono ogbukcha khe tongmani bisingtwi, o lentent jora o bwkha bachau tongnani hwnwi ang norokni pholani Apha sahoru. Aboni bagwi no o hati baro chwng joto sumsok gwnang seleng hai khe bini achuk thai o achugwi Kaitorni thani khairokma manwi tongnani.

Kwthar kwthamsani bai; Pha, Sajwla tei Phola Kwthar ni mung bai nini simungno tei muchugmano manwi tongnani tei bini kokrokno khwnai tongnani, tei bini hamjakmarok no phuugwi tongnani bini khairokma bai. Tei ang muchungo norok joto surimani bisingtwi bebak Ochai rok tei Kwthar Theotokos no naragwi tonglainani tei Subraiyung ni achukthai o tabuk tei molbrum brum tongnani. † Amen.

† Moran Mor Samuel Theophilus.
Metropolitan.
Place: World Church Headquarters

Date : March...2026